

三原縣志卷十六

藝文志

詩五



白渠謠

漢時民

田于何所池陽谷口鄭國在前白渠起後舉鋪如雲決渠
為兩涇水一石其泥數斗且溉且糞長我禾黍衣食京師
億萬之口

答田游巖

唐宋之問

家臨清谿水谿水遶盤石綠蘿四面垂裊裊百餘尺風泉
度管苔蘚鋪茵席何當遂遠游物外候逋客

塞上曲為李衛公伐突厥擒頡利斤地北至大漠作

李白

大漠無中策匈奴犯渭橋五原秋草綠胡馬亦何驕命將
征西極橫行陰山側燕支落漢家婦女無華色轉戰渡黃
河休兵樂事多蕭條清萬里瀚海寂無波

春日郊居寄萬年吉少府中孚三原元少府偉夏侯

校書審

韋應物

谷鳥時一轉田園春雨餘光風動林早高窗照日初獨飲
澗中水吟詠老氏書城闕應多事誰憶此閒居

三原李氏園宴集

張籍

莫春天早熱邑居苦囂煩言從君子樂樂彼李氏園園中

有草堂池引涇水泉開戶西北望遠見峩峩山借問主人
翁北州佐戎軒僕夫守舊宅爲客施榻筵高壤有餘滋竹
樹芳且鮮傾我所持觴盡日共留連踈狂不偶俗常喜形
體閒况來幽棲地能不重笑言

貽池陽谷口元贊善

李端

入谷逢君來秋泉已難涉林間人獨坐月下山相接重露
濕蒼苔明燈照黃葉故交一不見素髮何稠疊

送正尚詰三原尉

宋歐陽修

初仕便西轅驪駒兩佩環山河識天府風雨度函關桑柘
千疇富人烟萬井閑欲爲京洛詠應苦簿書間

三原縣志卷十六

贈郝新齋先生

元曹文貞

繡斧澄清古范滂賜環三載鎮文昌稱停政事權衡穩潤
飾詩書意味長輔世昔聞心匪石憂民今見髻成霜何時
不踏紅塵路閑侍新齋几硯旁

送張御史之南臺

陳衆仲

關中鳴道張夫子今見文孫玉立標白簡秋霜清瘴海繡
衣春口拂雲霄何人江浦歌桃葉有客都門折柳條我欲
買舟尋太白鳳臺涼吹晚蕭蕭

送張克禮揚州憲史

賈靜菴

凜凜江都憲堂堂得子賢戰枋誰謂虎嚇鼠共蠅鳶慘淡

雲連水續紛雲滿天遠行須自邇畫錦看他年

龍陽宮留題

無名氏

門前治谷東南水屋上峩峩西北山山色谿聲兩忘處寂然真境隔塵寰

西園草堂

明劉鉉

隴頭朝籩罷開展考槃歌烟火孤村迴園林百畝多徵租無吏到看竹有人過錫福能容老何妨兩髯皤

寄三原王家宰

沈周

玉帶朱衣鶴髮明夕陽林下寄長生秋涼春暖筋骸健雨後晨初意思清蔭樹一編依臥鹿傍花三酌趁啼鶯功名

三原縣志卷十六

三

成遂真豪傑更自逍遙享太平

弔李衛公

王恕

翊運成功屢出奇文韜武略荷君知故鄉居第今何在獨有行人看古碑

按端毅詩有極佳者王阮亭池北偶談曰公撫三吳時題一寺碑絕句云彩鷁西飛日未斜江村兩岸有人家吉祥寺裡梅千樹不到春來不著花亦宋文貞梅花賦之比

宏道書院示從遊

王承裕

緬懷魯尼父不厭亦不倦七十二弟子歷歷稱儒彥嗟予

何人斯野樸不自緣聖賢邈三載有時羨牆見一旦聞鶴
鳴松雲忘眷戀方擬賦歸興倏忽更事變昔日二三子健
翮趁風便天空信寥廓飛翮殆未徧我來重考經兀兀坐
書院疑難塞膺背反袂漫拭面豈能開來學不過同几案
萬物人爲貴年光擲流電功欲成千倍行期經百練古來
惟德馨行潦亦可薦莫謂中行難誰復爲狂狷春風感興
長聊示爾變變

谿田寄書答之以詩

張原

廿載鷄壇結素盟可憐獨作夜郎行江花萬里詩人興萍
梗三年宦海情豐草長林蝴蝶夢空山落日杜鵑聲雙魚
獨荷殷勤意又向烟荒寄姓名

三原縣志卷十六

四

夢伯循二首

張原

凍雨寒齋睡正濃可人夢裏喜相逢匆匆未盡生離意恨
煞前山半夜鐘

江雲烟樹有餘思萬里心知恨別離旅館愁懷何處切夢
回梁月正明時

寄谿田

張原

離別茫茫兩度秋西風誰解客邊愁相思萬里情何限鄉
雁來時月照樓

題松筠園寄跡二首

梁應基

諫獵書初上批麟願已違辭榮入梓里避俗掩柴扉芳樹
浮春靄青山落晚暉徘徊時倚杖蒼翠欲生衣

秋日與管大夫鳳儀遊城南名醫廟作

馬理

曉出城南門迤西瞻神廟神廟號名醫繪塑容儀肖上有
嘗草圖下有雷針燭風生虎守林雲擁龍卽剝庭深古木
陰根出蟲蟻竅病夫紛往來壅莫祈神療祠多鳥易馴踵
接會難紹或夕夢湯藥朝走忽輕僂西郭管鳳儀爲我述
其要嗟今黎庶疴所在足恤吊深懷聖主憂未獲十全料
愚亦沉疴人環視空長嘯安得諸名醫夜示神方妙奄收
萱草功坐見哄堂笑

三原縣志卷十六

五

三原拜馬處士丈

康海

門前翠竹上千霄院內青松色未彫種樹年年收棗栗看
山日日伴漁樵明時不作河陽尉樂歲聊爲汜上謠鶴髮
青藜真自得瞻依寧惜馬蹄遙

三原道中望秦世觀莊

康海

霏霏雨沾蓋望望暮臨河邨落行將徧牛羊下已多素雲
低漢樹彩鷁泛涇波卻憶秦師道前年送我過

寄張士元

康海

黃金臺上雲依依黃金臺下水瀾瀾臣今萬里去辛苦安

可辭但願陛下壽萬歲使臣萬里無遺思祖宗隆業際天
地尺地皆土人咸臣之斬刈流徙惟上所爲遐方炎炎有
肉不可食有酒不可卮况臣侍從邇文墀心之徬徨豈在
此惟願陛下有長期陛下神聖古帝少臣心不爲遐方老

給事中張士元謫貴州驛丞夢神語之詩聊紀其事

王九思

張君憂國如賈生感激獨坐雙淚橫朝持諫書奏天子要
使四海之內一時歌太平諫書滔滔太切直天子覽之勃
然變乎色烈風震雷不可已夕貶瘴鄉萬餘里明日稽首
辭闕庭西風灑淚何瀟瀟臣去一何輕臣身未足惜只恐

反覆間周行生杞棘瘴鄉到日如中國扶持盡賴神明力
遙向滇南望北辰不見長安還下泣夜窻隱几愁多夢耳
畔新詩誰朗誦孤臣一日腸九迴獨有神明爲爾痛孤臣
舊是玉坡仙青雲佇看來翩翩天子見之爲歡顏淚痕拂
拭衣袖乾

贈秦封君歌

李夢陽

秦司倉昔仕淮安之海州倉中豆穀無秕朽抱關擊柝古
不辱大纛高牙我何有解組歸來頭尙黑年年耕釣我山
口君昔在京師逢故人一妻一女同一裙君令室人解裙
遺室人之心先得君君昔在江西故人卒負骸旋喪行且

澄而潦收亦菊芳而蘭秀雁陣碧排楓林紅逗詠秦風兼
葭章望伊人兮水一方廢印段蟋蟀句瞿良士兮歲云暮
何事羅鄂州銀橋升月奚必孟叅軍登高能賦人境移來
昆明池秋風動石鯨鱗甲女墻幻出滕王閣秋水映長天
霞鷺無事舸艦迷津煩榜人之扣舷也緬茲長橋卧波覺
陽鳥匿景乎危巉勁隼斂翮而側度况乎年來潢池欲止
戈黑山亦寢析浪漸息江皋氛將靖沙漠聖天子耻爲驅
石橋海之舉除道隕霜成梁水涸佳氣浮秦川榮光囂河
洛鷄犬雉殷仍葺中慈教比屋復綺錯城頭鐸韻遠睥睨
而遠廢廊腰灘聲雜漁歌而間作橋之中詢訐且樂橋之

上望衡對閭橋之肆轂擊肩摩橋之民鼓腹盤礴白鶴歸
華表不待天寒青龍見水中無煩日落吾姑翻少陵之雅
句以贈此橋尙嗟未盡也庚思躋龍橋于龍門之櫺櫺比
三原子三巴之䟽鑿恭毅勲德厚且博岫嶼禹碑我重廊
系以頌曰仰觀天厥梁星天津垂象彈弓形俯佛山厥梁
石天根涸水輿梁成虞典六府弗石紀邵易經世分四比
坤石少剛離星匹皇媧鍊五補天闕溫公柱八承天碣化
楠以磐功利涉重險兼山坎艮攝輶形穹隆澗之濱金湯
埔壑惠吾民龍橋鳳嶺萬古存亂曰龍德中正厥施普兮
見龍在田爲霖雨兮我賦龍橋龍巖徙分曼海澄江佐天

子兮

北郊樹藝賦

朝劉紹攸

惟華池之北郊擅二峪之豐饒

清峪濁峪

泉涓涓以漱潤流活

活以與苗誠哉五沃之土允矣三壤之膏爰藝蔬以樹果

繁晝溉以夕澆望青青而彌目羌鬱鬱而干霄乃有東風

料峭黃韭堪老豐本登盤新柔薦廟白趾潛於芳腴翠髮

被於隈奧庾郎之廿七並陳羹遂之一畦是導維剪後以

還生當春前而最妙若夫和事之辨太官之蔥黃菌青蔬

之伴細莖大葉之叢恒澆油以肅客雖處末而登庸歸肆

汝等常分和羹秋祠必供清貧見廢於山谷僭用寄興於

三原縣志卷六

八

放翁爾乃大烹已飫晚菘是具脆比芥薑清如玉露小嚼

冰霜之響肥濃蜜藕之茹吳愧千里之蕻蜀慚七菜之賦

采菲空入魯詩烹葵徒傳幽語至於長安冬蒞金城上酥

紛敷翠葉津潤玉膚深根而白質近蒂而青紆雪容墮於

璫甕辣性重於笋厨名羅伯以責實字受辛而非誣維四

種之鬱上更諸蔬之怒長董齊旨甘蓼萋莽蒼白薤紛拏

綠葵豐穰掇瑤穎於藜苽擷翠莖於篠簞溝東陌西行三

畦兩且也綠畝竟拙通畔何稠剛甲奮迅鮮筴綢繆上歲

蕤以被經下參差而覆疇葦腴望風而引却芳辛候色而

應求五侯鯖兮遜美天酥陀兮不售其為樹也夫天多實

灼灼萬植萬株若繪千林似翼苔畫波文花然樹色
艷拂以婀娜半里紅歆而繁殖宛素練兮輕茜疑玉齋
半絕與桃同時嘉李正時整冠否否盤根綿綿滿林雪積
墜地銀鮮素雲亞枝而旖旎碎錦蒙樹以翩躚清角奏而
微霜起大宮動而和甘宣建月維丙傳黃有杏孔子壇前
盈盈董奉林中炯炯香注修條烟籠孤梗笑桃紅兮艷粧
嗤李白兮素影紅不紅兮凝淺曛白非白兮睇遠迴迨夫
青文蕭森紅葉秋深熟蒂酥裹碧實霜侵嘉名虬卵美號
鹿心沉朱色兼陽井烏樨味過華林味甘馨而逾蜜色紺
黃以勝金唯四者之最夥更千章兮佳果御宿之楹如蘭
野枝之棗似火大谷之黎含消南安之栗偏頗林檎郁棣
之羅石榴蒲桃之猗猗莫不飾麗藻以環縈固皆借華
實而並墮彼夫陸地馬蹄水居魚陂山居材木通邑千皮
何如果菜千鍾竹木千重長楊掩映薜蘿翳翳名品蔓而
色光冲融芬芬苾苾沃沃茸茸越西朱村名而迄橫水名亘
五十里之提封

遊杏灣詩引

明來復

杏花灣隸涇陽然距余邑十里距涇陽四十里本名方南
魯橋無今名今名余與友人同遊所命也土人種杏冬至
數千株春初花開遠近爛熳如張錦幄清河經其右稍上

川潛堰灌田渠決五流周回樹下散輒復合沿流皆杏
以他木蔽虧深窅目不能直覩故言灣也不知幾經劫灰
豪富復廢爲荒塋如劉希夷黃昏鳥飛之歎自余輩遊賞
城中人稍稍繼之歲益輿馬之跡肴觴之費土人始詫笑
近亦多取醉花耐水涯矣居常言雖粧點花神不能無雕
琢渾樸然仲長之禽魚許瑾之桐子猷之竹少陵之花溪
襄陽之霸陵王裴之朝川韓孟之西郊觀其寓意托興似
不直在耽宴樂恣吟眺間濫觴爲之去之益遠乃貴客導
絳帽人張蓋穿游若俗子醜鬪橫折余輩亦歲成故事應
接匆雜囊草多虛其爲花辱莫甚焉又賞者喜華土人利

實樹大實稀合抱之林率成樵爨邇來景物已減什五矣
至夫同遊之人間厠非侶酬和諸賢槩多散處每倒尊結
伴伐木聽鶯之想頓起花時一大恨耳庚戌從燕抵家見
王氏昆季詩知從華下迂道訪遊遂同社友含素舍第馭
仲卽席成吟意興品識不卓然軼疇衆而遐追耶二君蓮
州先生嗣與太史先生嗣爾釐爾仲皆佳公子也其季父
信卿關輔閩土與余善恨未來一遊異時亦訂約焉君家
叔姪欲收我灣頭春色乎其以所有十丈蓮易之

里書

明張縉彥

他省賦冊皆筦於戶掾原邑獨有書手司之一人二里歲

繕徵賦冊二帙布政司總冊六七頁每里出口食銀十二兩其鬻田丈量得田者有資推糧更名者有資鄉試之年提取書手八闈每名每里助銀五六兩書手在省轉雇不過三四兩尚有餘利例應隨年更換乃利之所在據爲世業逐年勒增竟至三十餘兩民間額出十五人之銀其實十一二人包攬而已乾隆三十六年生員申鵬祥同衆呈懇知縣崔龍見閱之駭曰是豈非無額之賦乎立即嚴禁止循舊規十二兩歲省民一千餘金

里差

張縉彥 縣令

邑之催糧向係戶首每里雖有一差不過督其延緩之弊

三原縣志卷十六

士

里口食銀五六兩二三年來里差四出催徵勒索亦至三十餘兩尚有酒席受比錢諸名色生員申鵬祥同衆呈懇知縣崔龍見立即禁革止循舊規五六兩歲省民一千餘金

太極動靜圖說

王承裕

太極肇判乾坤攸位迺旋乃轉陰陽行焉由是生生化化萬物咸備而人生于中得元亨利貞之理爲仁義禮智之性理也者默然無形可見無聲可聞然賦之于人非動乎其未賦之先蓋靜之謂也人之有性猶天之有理未感而見之於外徒深以存之于內則失其變化之機矣是故

象勞兼樂所謂法天而不載者也象安兼壽所謂法地而不覆者也斯皆常人之爲若夫動靜以時無所迂焉則與天地爲一矣嗚呼其聖人哉

按明史此弱冠作

雅約序

溫純

此約蓋本海內諸家尙儉約而取其切于吾三原者稍更定之也吾三原人士半商賈半商賈衣飾大率襲吳越廣陵士亦因而化焉余慨士服習先王乃化于商賈可愧也亦可慮也故爲此約名以雅仲尼蓋惡鄭聲之亂雅樂矣夫鄭與雅音耳非如日用好尙爲斯須不可去之禮樂仲尼猶惡其亂豈非以雅則正則和則平則中非雅則邪則

越則僭則亂耶邪越僭亂將安所不至耶而况日用好尙耶故有國家者匪寡與貧之患而慮不均不和不安且傾安與傾相去遠矣而自均不均不和始寧直有國家者爲然凡士庶旣侈好尙明得意均耶帶賦侘僚之衆日從傍側目短氣思擬思逞和耶故雅則安寧之術不雅則傾危之漸而可不慮耶慮之毋如省可已之費爲不可已之用化相形相軋之習爲相體相卹之風卽不能如長壘亦相與追陳仲弓王彥方范希文萬分之一庶此約爲有益之雅亦可以了吾輩不忍初心不然世方爭自利工若賈猶乘此易售餽口而又爲谿壑增充物之筭耶同心君子

便尋涇水釣溥天重望在天民

王端毅公祠

本朝 魏裔介

闕闕瑯琊盛山川華嶽標偉人欣輩出駿烈翊先朝勳業
三楊並儀型百代昭澄清金鏡湛獻納玉衡調正氣參元
化餘威格有苗洞巒傳繪像吳楚遍歌謠賜杖恩方渥懸
車德益劬上尊宣內勅祖帳動羣僚綸綍驚看數榎楠豈
易撓滌公鶴髮秀令子鳳毛超孝廟垂裳久康僖秉軸遙
名齊楊伯起度越李文饒畢命仍居洛舉謨獨佐堯家聲
山共斗經術梓同喬祠宇宸章煥裳衣衮繡飄邦人嚴伏
臘牧豎戒薪樵籩豆形逾古春秋世不祧桑田戎馬後柏
寢盡蟲凋榱桷霜中圯松山雨半搖文孫工學治天路坐
鳴鑣共羨層城鳳重光六葉貂持籌咨會計曳履聽簫韶
魏笏藏新笥王槐發遠條掃除因邑宰輪奐及齋寮壯觀
歌丹雘豐碑倚絳霄曾元森在列頌白醉相邀遺澤留冠
劍明馨有桂椒送尸風謾謾薦壁露蕭蕭傅說星猶燦巫
咸賦可招寄言憑軾者佳氣正岵嶺

清峪口看杏花歌

駱復旦

永和三日大會來山陰千祀生莓苔長天大地靡日月誰
復勝地相徘徊堯夫先生梁君陽封君書越方格躬耕谷
口把周易元方梁子愷校勘季拾遺梁仲琳阿咸梁木禾

更進金闕籍散髮酣歌汗漫遊顧謂使君中散儔大呼仲
客集賓客風期豁達誠難仇焦穫之東涇水北杏花灼灼
被山麓嵯峩集雪屏障寒大觥小斝紛追逐坐中何人稱
最豪角里先生張儀昭封君眉髮高王郎金鉉石郎明府並奇
士衙官屈宋羞劉曹已聞白也詩無敵李愚谷進士停觴載奏
飛卿曲溫與亨徵士溫公虞白明府携奴讌東山王問有趙仲長結
客酣醺醖薛卿國華孝廉拔劍手數捫蕭王景阜宗甫洛社並稱尊
劉宴轉運馬尊德官轉運成陳迹趙生元深茂才新論驚心魂同時更
有杜陵人恒燦杜若行歌落魄無等倫眼中四時胸五嶽手握
巨斧開青旻三原護軍行太息高歌雅唱傾今昔潦倒追
隨事勝遊遠風瀰漫交青陌清峪之水流湯湯大堤無歲
無奔忙山川那能長不改蘭亭禊事今輝光酒酣秉燭呼
歸去飛花點點侵行馭郎官此地夜會來外史千載應知
處

三原縣志卷十六

古

別三原

駱復旦

四年作宰漫相羈秋老言歸淚拂衣親病已驚扶旅櫬君
恩猶許傍漁磯鑑湖露白千家曉清峪花寒一雁飛此去
故園荒徑在加餐相訊莫相違

房貞靖祠堂雙白松歌

鄧漢儀

狂烽一夕來陝東黃巢突據咸陽宮忙捉衣冠供偽職酷

烈如在湯火中薦紳罕守冰霜節名士爭誇翊戴功樞部
房公聲嶽嶽賊欲羅致情真濃詎知公也心若鐵肯將勁
草隨秋蓬垢面赤脚衣袖裂竟日奔走荆榛叢食絕淚枯
皮肉盡誓將一死酬蒼穹令子裹屍夜半葬鄉人焚紙青
山紅議謚議祠議碑碣三秦人物茲孤忠祠前何物堪偃
蓋隣邑遠移雙白松白松秦地最難活土氣高亢鮮冲融
廿年霜摧塵霧滿轉訝體勢彌崑崙如雪如王如鶴鷺枝
幹蚴蟻顏菁蔥渾疑密縣之所植黃帝三女遺跡同颯然
青天雜雷雨或若幽澗鳴絲桐崢嶸蕭瑟不可狀髣髴神
鬼憑高空應是我公浩然之正氣鬱結草木凝清風武侯

三原縣志卷十六

五

之栢蔡公竹繇來感格非虛名使公尋常作仕宦松亦化
作柳與楓安能森然若褒鄂之羽箭良相之冠珮千載而
相從長公燕邸苦相憶亟呼韋偃圖雙龍並索詩賦與叙
記擬傳勝事於無窮我爲作歌志景企何時游秦拜公之
祠兼拜松

題孫豹人小像

王士正

絕磻長松不世情科頭箕踞一先生胸中磈礪無人語落
落琴聲大蟹行

贈韓聖秋

孫枝蔚

曾讀新詩老更清鳳凰池上別關情偏吟報國古松樹末

忘江南舊弟兄來往酒人能擊筑留連歌妓善彈箏退朝
歸院真瀟灑並馬何時華岳行

節孝詠

孫枝蔚

黃鵠惟思舊青松不畏寒女中聞有此親戚爲長嘆只道
生兒好誰言得婦難厠踰澣織手石建可同看

秦母行擬古樂府

太學生秦撰一之母

孫枝蔚

桃李知春松栢獨不知冬士知富貴女知從一而終人有
賢與愚所知不一同一解劉氏有好女十七爲人婦爲婦夫
何難入門爲人母端坐受兒拜視兒淚常有問兒何所苦
兒無饑寒否二解秦氏得賢婦宗族來相賀何由識婦賢夫

三原縣志卷十六

六

子常安坐夜聞機杼聲較比琴瑟大琴瑟豈不佳婦心所
愛書聲和三解書聲忽不聞但聞室中有哭聲遺孤呱呱泣

其兄旁血盡乳枯止啼無方止啼雖不易餬口計則長環
顧機與杼不愁他日無衣裳四解慈我巖巖峪溪湯湯不見

夫子涕下浪浪婦也何所思但思魯敬姜敬姜豈不賢生
兒文伯亦可傷得師如孔子乃有家珍自吝藏見韓嬰外傳五解

家珍母不惜頭上唯簪珥兵荒復洵臻何以教吾子母今
在天言猶在耳日歲之荒憂者衆矣勿荒汝學憂在一已

日兵之亂亦有時止汝心之亂則胡所底六解母也年六十

拜謝倉浪天夫子久相待我當急歸報黃泉報曰一

兒隱魚鹽一兒名高國學問夫子有前妻相見亦得同歡
然嗟乎如母所爲豈不難解七

貞燕行爲趙母劉孺人賦有序

孫枝蔚

劉氏吾邑中丞曰俊之女涇陽舉人趙九成妻也年二
十五九成死剪髮內樁中日夜號慟不欲生以舅姑在
堂遺孤濬九歲勉復進食守節三十餘年有燕巢於室
失偶孤棲累年不易人謂貞節所感稱爲瑞燕事載陝
西通志濬字元深索予爲詩

燕初來雙雙鳴我文杏梁孝廉堆書過萬卷長恨啣泥汚
縹緲燕再來一隻已遭驚鳥傷伯鸞久矣傍要離嵇紹此

三原縣志卷六

七

時類嵇康燕不去歲歲單棲盧氏堂天翁有意表貞節微
禽亦解學爲孀爲孀乃是中丞女昔適孝廉纔十五上堂
問舅姑入厨備修脯坐中親戚誰不嘆貴家小年能如許
夫或浣厠媮妻常理筐篋倡隨到十年家事無不舉只言
並蒂好豈料斷腸苦鄭女聞鷄鳴賈生遭鵬侮此時同心
人不難從地下白頭暨黃口相視涕如雨剪髮納棺中作
事驚隣姥食蓼豈知辛隙駒去難數舊巢孤燕爾何爲情
深亦耻歸他所君不見董家雞當日公然哺乳狗乃知生
祥復下瑞不過節孝所自取

羣公薦表濫及野老姓名將修辭啟先成四首

孫枝蔚

浪得聲名悔已遲如今檄恐北山移自經亂後無恒產誤
喜朝中有故知魏野方思看舞鶴莊周只願作生龜忽蒙
匠石頻相顧櫟社神應替我悲

書齋獨坐意悽悽每見前賢思與齊郭瑀藏身甘薤谷孽
恂辭聘重關西青蠹易觸紅蛛網珠樹常留海鶴棲因識
安危皆自取懶修書札謝提攜

百歲風狂實可驚眼昏頭白骨崢嶸縱曾在位冠須挂豈
合辭山網更搜文舉何勞稱一鶚許由長使憶三生魯郊
金奏雖堪悅誰識當時海鳥情

三原縣志卷末

六

羈棲我自愛蕪城懶散誰能向帝京江上豈無螭殼舍舟
中亦有驚裙羨回頭詩酒多年歲放腳湖山忘路程辭聘
心腸何所似髑髏曠感爲聞生

耦園訪蓮同與亨諸子

韓詩

圖書人間少丹青此地長黃鸝啼灌莽白石映池塘枯樹
誰來賦荷花依舊香仙翁冠好玉詞客弄流觴風曳蟬聲
靜萍浮魚腦凉水觀迷竹島露合起蓮房伐木情偏劇尋
山事亦茫笙歌悲日夕雲漢憫憂皇魚藻憐文漪蜻蜒集
野航卷舒齊碧沼根蒂本清商採葉堪爲酒茹心可當糧
草深緣曲折香細忍顛狂公子冰桃面佳人雪藕腸榮華

堪木槿聚散等朝陽寧學無生術休嗤辟穀方昔賢留氣
象吾道倚冠裳隨井無朱實崇臺望白洋謔公英俊在還
此足徜徉

與亨齋前洗桐

韓詩

幽人經濟本園林鑿井攜童出樹陰豈謂晚涼方入席坐
時清韻已飛襟暑威忽爾思秋雨酒態從教慰綠琴唯有
主人能好潔日除千徧不爲淫

贈劉學海先生徵君

韓望

所作高前古封章自由曲臺始知明主意終用出人才省印
尋僧鎖書樓領鶴開南山有舊友時向白雲來

春日西郊雅集次張壺山韻

劉芳

勝流揆飲在郊西衝馬應憐錦障泥約得詩人聯白社攜
來茶具坐前谿柳餘麴色絲絲桂花映嵐光樹樹迷寄語
三農欣有望如膏春雨漲新犁

雪殘徑不辨東西乘興那嫌屐齒泥草淺草深凝宿露花
開花落傍流谿羣松結幄禽留語亂石迎泉路欲迷擊鉢
吟成香滿頰坐看新雨荷耕犁

勝日尋芳馬首西詩成拚飲醉如泥高才逸韻鑑金石老
樹著花傍澗谿軟綠輕寒吟思苦夕陽新月晚烟迷何時
並坐春風裏一卷黃庭一把犁

約壺山北郊看梨花

劉芳

擬踪隣店新芻酒坐向芳郊細論詩幾日東風偏著意京
家蔭蓄欲開時

微陰淡照雨兼晴閑步幽林白恰輕玉樹一園芳草合捲
簾盡裏看雲生

梨花轉眼已暄妍淡淡和風未熱天際此年光肯辜負淺
黃草屨踏晴烟

題岳匡六楊杜山房

楊爾恪

雲居林麓愛幽深沈寂荒亭敞素襟對面蒼厓收暮色繞
闌流水散清音綠蘿挽袖遲遲去青嶂和烟漸漸沉惆悵
夕陽留不得茅庵桑圃繫人心

楊杜禪室

楊爾恪

遶郭參差石磴危幽閑恰與棲禪宜春寒不捲梅花帳壓
屋白雲眠未知

答杜蒼舒

李因篤

河濟風高阻釣綸隔年書札悵離津長教五岳留羈旅偶
得雙魚報故人蕙草未寒焦穫月桃花空劇杜陵春幾時
却逐青驄去尊酒狂歌託後塵

池陽三先生詠

許蓀荃

王端毅公

嗚呼端毅公崛起盛明時致主懷曠古許身必臯夔險
豈一途中外惟所之晚節位臺鼎休休爲襟期同升太平
業不植桃李私吾道光宅俊大臣諒如斯伊周前列在韓
范大名垂俯仰若符契千秋有餘思

馬忠憲公

曾讀先哲傳夙欽我公名薄涉至荀里高山空復情憶公
孝廉日外裔咸聞聲訝其不早仕階望胎簪鳴銓材拔幽
滯水鏡稱最平時危邀南幸受杖苦力爭及夫大難息奉
母事躬耕講堂搆嗟我大義宣諸生朝鮮暨入奏呂馬皆
國楨倫叙有弁冕謂宜加殊榮東還乞其集跨海爲法程
卓哉儀表著何忝薛文清

溫恭毅公

公昔童子試受裁郢匠斤

李滄

哀然敦經術絕學責我身

明理孚衆譽踐形探其真我我南宮選筮仕東海濱威懷
洞所宜治績垂貞珉屢署皆上考蒙恩拔諫臣昌言抒中
懷直道亦已伸撫浙約六章微風爲還淳萬里宸聽徹專
官繪圖新再領御史臺神鳥誰能馴抗疏方電激天顏一
回春是時虛少海婚冠復逡巡公首倡大義聖慈原多仁
竟無搜鱗志實諒公忠勤晚執易退節優游清渭津講堂
集俊碩著論窮天人溫溫古風儀展卷書我紳泰山不可

見仰止增酸辛

梁木天補安肅奉柬

李因篤

自關中臺路誰高左掖名時方勤茂宰地復遷神京旃轉
雲霄合風驅駟職輕肯要皇甫去郊郭問新耕
下馬長林霽開罇落日斜裝須連暮雪到及種花易水
清無滓郎山燦若霞北征久顛顛天際望仙楂

早秋懷孫豹人

梁舟

漑堂居士字豹人高卧淮南二十春江頭落筆舞蛟蜃澤
畔行吟泣鬼神蕭然四壁家何有天地不能飽一叟逢場
但醉酒千杯遣興還餘詩萬首詞賦從來貧益工青蓮顛

顛少陵窮光燄萬丈寒星月懷抱心期此老同淮南風俗
尙鹽子此老吞聲住鹽市得錢買魚對妻孥斫鱠擣齏樂
未已婆娑霜雪鬢毛寒長鍊年來不可彈去秦錯認揚州
路桃源誤作繁花香余昔分符領江都過從常經此老墟
白雪陽春相歡飲謂余曠世高陽徒生平意氣爲君倍况
復文章驚海內內子雜佩出閨中贈余名言銘余珮世路
茫茫萬仞山行行虎豹踞前關九重咫尺仍千里叫閭倏
忽落人間去年分守平山側江水迢遙照胸臆相思日夜
向東傾玉案青罇悵何極田園將蕪尙可耕此老長忘鄭
谷情想見歸懷應惻愴草堂風雨百憂生屋梁新月照眉

曉秋露盈盈動落葉將心分付雁足來或寄江魚緘尺牘

池陽道中

曹邦俊

屋邨稠疊盡春城簇簇煙花冉冉迎
匝鎮翠樓牽碧樹交衢寶馬錯香纓
橋穿尹吉佳人袖市列陵陽壯士箏
暖日垂鞭行欲駐酒旗夾道直搖情

池陽卽目

許蓀荃

天澗供晴望鄩原高入雲兩城相對峙
一水自中分山樹皆秋色人家半夕曛
何當田萬頃今古足耕耘

中秋三原考院對月

許蓀荃

微風拂桂叢滿院馨香發昨夜逢疎雨
輕塵坐銷歇山川變素景時序生華髮
天澗雁聲遲宵長蟲響聒無事且啣
杯空亭看明月

三原縣志卷十六

三

原邑素貴牡丹有一金易一本者感賦

劉紹錡

鄭衛風詩已煽淫草木流穢生洛陽
唐宮移入妃子笑嶮巖蜀道奔三郎
亦如何廢恣歡樂天以瓊蓋徵妖祥
後來戎葵角多少散播萬本方繁昌
朱門賤植築華館疊石高下環雕廊
竊春偷暖爛熳折綵旂繡幄誇濃粧
笙歌鼎沸喧俗耳酒肉狼籍充肥腸
豪奢能幾花易主非惟誤國家亦亡韓
宏邸第命劓去所以不效兒女狂昌黎
學道賤幻

術辨鑄詩句誠荒唐更聞白傅妖花語春街笑殺奔車忙
世人愛此空有眼浪奉稱號何煌煌淺根柔翰極細小葉
麤花大徒敷張遠觀似艷苦無韻近臭有氣非真香濂溪
賢人子周子以蓮爲說惜未詳吾生寒儉厭華侈欲著花
史閑評量孤山梅妻林處士東籬菊友陶柴桑細別貞脆
分雅俗此種不復煩遮藏舉肥相者應怒我一株方擲干
金裝

秋日楊杜

劉紹錡

稻熟分先後平疇穫漸稀白花蕎麥小黃葉芋魁肥窄窄
山爲徑斜斜竹作扉雲莊高卧穩倦鳥暮思歸

三原縣志卷十六

三

楊杜晚眺

劉紹錡

山閣蕭森晚吹涼秋原野色迥蒼蒼白雲嶺欲邀歸鳥黃
葉村宜受夕陽衲子閉門孤寺靜漁翁繫纜一庭荒閑心
判斷居人業飲犢呼鷄味亦長

橫水卽事

劉紹錡

野鳥雙立葦汀煙依約江南五月天記得短篙撐艇子蘋
花香處枕蓬眠

畫荷贈九畹

金三啟

畫荷懶勾筋畫花厭設色不寫蓮之姿只得蓮之質姿也
似美人質以比君子聊以贈先生一幅濂溪水

過楊杜村

金啟

蘋風蘆雨滿秋塘
落盡紅衣露翠房
此景年來無我分
野鴨自為鄉

春日城北看杏花

張郊

春來懶漫不堪愁
畫扇輕衫作冶遊
今日相隨城北去
杏花深處恣淹留

千里平隄潤碧鮮
野花亂簇小金鈿
麴塵風軟晴空淨
看趁游絲放紙鳶

長塍凹凸短塍橫
仙竇花源不世情
他日葺茆成小隱
杏花細雨看春暝

三原縣志卷六

五

薄后祠邊古道斜
幾行宮御噪神躅
香風飄颺雲階冷
只有遊人吊落花

薄太后祠在吳家道

光祿墳前棘作圍
行人肅拜仰芳徽
傷心左順門前事
南

望榛蕪憶繡衣

張玉坡墓在馬光祿墳南

春郊載酒最相宜
撲面輕風翮髻絲
柳外停驂花外醉
問人何似習家池

林峰寺

東門外

李瑛

竹院沉烟光
花宮閉苔色
人去長為別
僧易不相識
惆悵依山門
夕見終南極
終南彩雲間
落日空嘆息

寥陽院

即龍陽宮

李瑛

高閣依深谷登臨興偶同雲荒處士宅艸沒寥陽宮遠嶂
含烟紫落霞蹴浪紅許多年少客結社夕陽中

龍橋

張象魏

長虹貫兩城地缺天空補擊轂驚雷霆扶欄任風雨朝日
鱗光起夜月明珠吐温公與高公屹立並千古

嵯峨山

張象魏

鹿原之北望屏障碧芙蓉圈沒秦非去門開古帝逢清池
常浴日霧雨數騰龍欲振新衣者須茲第一峰

經王端毅公故里

張象魏

兩京名重老尙書天使駢繁問石渠槐植南邦陰德厚棘

三原縣志卷六

三

湖北寺枉刑除直禱闈黨橫行日爲齟醫官引退餘潞國
壽康温國望祇今桀戟認高閣

長孫里懷古

張象魏

凌烟高閣事依稀元舅於今有故扉賜沐功臣銘帶礪歸
寧哲后澣裳衣美人豈效山留苧毫跡何須石蓋緋千古
忠貞原不朽纘莘况是倪天妃

過三原北郊

王燕龍

地勢平如掌一灣水屈盤板橋通竹徑古木護霜灘井里
綦星布炊煙嶺岫寒却疑深秀處鳴鶴有飛翰

瓠園詠

岳映斗

簾下人踪覆倚然野浦寒疎風搖翡翠霽雨響琅玕迸笋
隣畦綠苞根斗石磷穿幽通萬壑洞曲入層瀾叢琳浦

車蓋元雲合洪波栢裏生野田風日肅新鳥澤林清積葉
馨長陌藜陰憇倦征棘榛從此盡翳岫亂虬明萬栢林

遊半耕園

成永建 射陽

嗟我山北翠烟封幾曲疎林野水春忽訝武陵身已到半
耕園子挿芙蓉

畫舫為宮綠一池田田葉葉影參差就中領畧惟魚得暖
啜輕風欲上遲

堂延溪色隱深林鳥語喧聞蛙鼓侵滿地涼颺披拂外秋
聲四月一囊琴

三原縣志卷六

七

穿石攀藤嵐露迷側身雲外俯虹霓下山復被樵風引亭
子垂陰木樨西

竹陰疎處忽登樓不盡青青一望收真意欲忘高枕便葛
天世在復何求

靄靄林泉靜裏天芳樽忽復倚花邊接離狂脫杯三百歸
去斜陽濕綠烟

范烈女歌

吳鎮

范烈女生何許乃在嗟我之南涇川之澗天不可移父難
伴曲池水清儂心苦白蓮夜深作人語下有鴛鴦鸞儔侶

吁嗟女兮哀千古

三原學署雜詠

王燕龍

僻地偏多趣微官自易閒簾因晴日捲苔以曉霜斑巢鵲
尋枝去小童得酒還物意兼人意俱在淡忘間

幽齋無一事覽鏡識衰顏歲月催人老琴尊任我閒菱花
搖遠水霜彩過叢山浩蕩乾坤外何妨兩鬢斑鏡

穆穆金波冷肅空萬里明應憐孤夜永故傍素琴清散彩
池雲幌寒光樹影橫依依相伴久烏鵲不須驚冬月

十月霜寒重安眠一老翁紛紛黃葉下肅肅碧天空欹枕
人初覺虛窻日已紅我生隨造化心事付冥鴻晚起

空庭殘雪映孤坐一爐親飲酒寧辭醉看書怯損神折梅
欣破臘剪綵欲還春待得風光好狂歌興又新擁爐

賦得慈峽雲

劉紹攸

杏子黃兮麥岐望青天兮雨何時雨之來兮以雲未觸石
兮望徒殷安得輪囷兮以慰我民峩之巔兮清之涘綠樹
青蔥兮河流有泚鬱靈囿兮黶飄翠巘氤氳兮卷舒喂哺
驅旱魃兮逖逃倏浙瀝兮瀟瀟高無苦亢兮下無瀦菑畬
優渥兮覃潤嘉蔬功比秦岱兮億我庾作鎮此邦兮作霖
千古

學古書院三君子詠

劉紹攸

王端毅公

元末踵秦弊禁學薄章逢

呂涇野志馬雲巖墓碑云元亂人莫敢學雲巖時以草莖畫地

學書其王母懼禍輒沒其跡

儒林慚衲子鳩居絃誦宮

改書院為三官廟

卓哉

王端毅往來切怨恫黜邪以崇正旋轉藉婁公

按察使婁公名謙檄

縣撤廟復書院

俎豆儼昭格詩書貴養蒙周迴眄梁宇誰知再造

功

巡按傅公

昔者魯恭王嘗壞孔子宅中明稱借材遺宮遭蕩析

萬歷中創

建貢院折徙書院薪木名曰借材

砥柱汝南公

傅公名振商汝南人

薪傳嗣道脉一

木支傾厦輪奐炳圖籍如聞絲竹音魯國存孔壁如不毀

三原縣志卷六

无

鄉校永懷鄭僑跡

傅公重修得延至今

邑侯月瞻張公

適館須授餐二公尙闕如

王傅二公雖復書院未有膏火

夏屋嘆仰屋不

但食無餘彈鋏四百年

自元至今四百年矣

一朝快噬膚

公倡置膏火師生肄

業有資

立雪寧噬雪食魚異蠹魚化被絃歌宰穀詒君子儒

三賢宜報祀千秋作令模

楊椒山先生創狄道書院置田以供膏火至今州人士賴之祀

先生於中堂

峪口山房雨集

劉紹攸

微風吹萬壑細雨濕春疇麥浪新如沐柳陰翠欲流半椒烟樹暗一徑野雲稠杖策尋歸路馬蹄逐碧楸

楊杜村

劉紹攸

見聞皆足紀遠近亦成觀鳥影秋塘淨嶺雲早雨寒釣竿
懸白小籬落挂黃團昨夜霜華重前林萬木丹
終年不入市野老愛郊居驟兩山花重新犁土脉虛布袍
鄉俗古豆粥力耕餘一稅了無事欣欣樂太初

毛坊里

劉紹攸

楊村雖已遠風色固無違日午松陰合春深豆莢肥碾澗
紛上下草屋積芳菲借問嗟峩路蒼茫入翠微

過焦村

劉紹攸

雲林攢一處近郭屋參差秉穗村間滿瓜壺舍上垂馴雉

隨髓女羸馬薺枯其俗厚欣看客殷勤供野炊

西園遺址懷端毅公

劉紹攸

補袞功高引退時牡丹幽菊總相宜西園自記愛菊亦愛牡丹美入一

去榛苓老芳草春深沒古碑

梅花題句廣平間

吉祥寺裏梅千樹之句王阮亭比之宋廣平梅花賦

綠野堂深歲

月間此日西風吹馬鬣今為墓田百年泉石重東山